



國家出版基金項目
NATIONAL PUBLICATION FOUNDATION

民國史料叢刊

續編
0900

孫燕京 張研 主編

社會·社會成員

東印度華僑經濟發展史



大象出版社

民國史料叢刊

續編
0900

孫燕京 張研 主編
社會·社會成員

東印度華僑經濟發展史



大象出版社

丘守愚編著

東印度華僑經濟發展史

自序

吾既爲東印度與華僑經濟發展史，將以問世，慨然而歎曰：偉哉吾華僑之爲功于祖國也。華僑之於東印度也，非有所謂國際貿易也。古無論已，近代以來，所謂商業，不過介于西人與印度尼西亞人間之二盤商耳。資本之雄厚，不能如人也；祖國之保護，輒近開其端緒而已。然以祖國對外漏卮之大，吾華僑猶能挹彼注茲，以稍紓祖國之困窮。數十年前，人謂中國人無愛國心，豈其然哉！初，荷人懼華僑勢力之不可侮也，故不憚令其與祖國官府相接觸；又以華僑之在東印度投足爲重輕，故強欲子臣華僑而奴使之；其間亦有欲籠絡其心以爲彼爪牙者，中土之人不知也。華僑以情無由達，乃於彼此之間，勉爲兩利之道。故能恪守信誓，便利同胞；尤能以平易交人，得印度尼西亞人之歡心。故印度尼西亞人與華僑，輒有形影相隨指臂相聯之勢。以是亦能見重于西人。西人雖欲盡專東印度之利，勢有所不可焉。至于美中不足者，一商業也，事之有待于合羣者，則衆多裹足，而其能以一人兼擅大利者，又往往見之；則華僑之才，未嘗不可以驚人，如閩粵少數諸巨商是已。夫以華僑之于東印度，有千餘年之故事在。考其實，則異時所謂盜賊，所謂莠民，與夫流離轉徙不得已而鋤口於海外者耳。又近世所謂猪仔者，其被掠者，受其主人之虐視，雖印度所謂賤民，西土前世所謂奴隸者，殆相似焉。吾猶及見夫此輩於創殘餓殍之餘，日思祖國之營救者，無慮萬千衆。今者我事已勝利結束，祖國早躋于五強之列，行見青天白日之旗，益飄揚於海外。而

東印度尤爲吾僑胞祖先靠路藍縷以啓山林之地，繼今滌除舊染，親愛精誠，更能于商業上講求資本聯合之方，集衆力以竟自然之利，得與今日盟國方軌而並駕，則以吾華僑昔日之爲當世重者，今且爲當世法。豈非承先啓後有光祖國之大道哉。

民國三十四年八月丘守愚序于陪都

目次

第一章 土地與人民	一
第一節 疆域及氣候	一
第二節 民族	六
第三節 人口	一〇
第二章 農林業	一七
第一節 土地法	一七
第二節 東印度農業之開發	二五
第三節 東印度林業之今昔	四三
第三章 外人農業	四七
第一節 銷路日滯之爪哇歐人蔗糖業	四七
第二節 與馬來平分秋色之東印度橡皮業	五八

第三節	後來居上之東印度歐人茶業.....	七三
-----	-------------------	----

第四節	產量日減之東印度歐人烟草業.....	八三
-----	--------------------	----

第五節	獨佔世界生產之爪哇歐人規納業.....	九一
-----	---------------------	----

第六節	急起直追之蘇門答臘歐人油棕樹業.....	九八
-----	----------------------	----

第七節	東印度歐人之硬質纖維業及可可業.....	一〇一
-----	----------------------	-----

第四章	印度尼西亞人之農業.....	一〇五
-----	----------------	-----

第一節	稻——東印度人民之主要糧食.....	一〇五
-----	--------------------	-----

第二節	在東印度經濟上佔重要地位之印度尼西亞人.....	一一二
-----	--------------------------	-----

第三節	普遍群島之椰林.....	一一八
-----	--------------	-----

第四節	印度尼西亞人之數種重要農業.....	一二二
-----	--------------------	-----

第五節	其他農產.....	一二八
-----	-----------	-----

第六節	畜牧畋獵及水產.....	一四二
-----	--------------	-----

第五章	礦業.....	一五〇
-----	---------	-----

第一節	礦業概述.....	一五〇
-----	-----------	-----

第二節 在東半球佔重要地位之東印度石油業……………一五五

第三節 與馬來並駕齊驅之東印度錫礦業……………一六七

第四節 其他礦產……………一七六

第六章 工業……………一八七

第一節 東印度工業之發展……………一八七

第二節 東印度之勞工問題……………一九九

第七章 商業……………二一二

第一節 商法與商業政策……………二一二

第二節 國際貿易……………二四七

第三節 國別貿易……………二七五

第四節 金融……………二九九

第八章 東印度各島經濟之發展……………三〇八

第一節 內領經濟之開發……………三〇八

第二節	大東方之經濟·····	三三七
-----	-------------	-----

第九章	東印度華僑之經濟·····	三六四
-----	---------------	-----

第一節	東印度華僑之拓殖·····	三六四
-----	---------------	-----

第二節	東印度華僑經濟之發展·····	三七三
-----	-----------------	-----

第三節	戰後南洋華僑經濟復員計劃·····	四二三
-----	-------------------	-----

第一章 土地與人民

第一節 疆域及氣候

第一項 廣大島國

(一) 稱謂 位置 面積

東印度羣島近三世紀以來，即屬荷蘭，其原名爲荷屬東印度羣島，以別于荷屬西印度羣島也。自一九二四年荷蘭將荷屬西印度羣島改名爲蘇里南後，荷屬東印度遂取消東字而改稱今名。該地人民自稱爲印度尼西亞人。英人法人皆稱之爲荷蘭東印度。德人稱之爲馬來羣島。日人稱爲蘭領東印度。而我國則通稱荷屬南洋，或簡稱荷印。

位于東經九十五度至一百四十一度間。南至南緯十一度，北至北緯六度。地處亞洲之東南，分布于熱帶圈內。其島嶼達三千個以上，有如滿天星斗。東臨太平洋。西臨印度洋。南隔亞爾富拉海與澳洲爲鄰。北隔西里伯斯海，南海，暹羅灣，馬六甲海峽。與菲律賓，我國及中南半島遙遙相對。而其海岸線之長，約等于繞地球赤道之一週。而其幅員之大，往往爲世人所忽略。自極東之馬羅居（新幾內亞南部），至極西之砂網（蘇門答臘北部），

綿延凡三千六百英里，與美國紐約至舊金山之距離相同。自南至北最大距離爲一千八百英里。面積爲一百九十萬方公里，或七十三萬餘方英里。若以海之面積計算在內，則達五百七十萬方公里，以海爲陸之三倍也。陸上面積爲吾國版圖六分之一，爲美國本部或澳洲四分之一，爲歐洲五分之一，爲印度半島二分之一，但大于荷蘭本國五十八倍。若以各島分別與荷蘭比較，則婆羅洲大十七倍，蘇門答臘大十三倍，新幾內亞領地大十二倍，西里伯斯大五倍半，爪哇大四倍，摩洛加羣島大三倍半，小巽他羣島大三倍。荷人之能統治東印度也，誠幸運哉。

島之大者既如上所述，至于開發之完善，交通之便利，物產之豐富，人煙之稠密，建設之美麗，則首推爪哇，他島遠不及也。其次則蘇門答臘亦正在開發中。他如婆羅洲，西里伯斯，新幾內亞各島，地多未闢，人亦稀少，猶爲荒土，未足與前媲美。惟婆羅洲之北部及新幾內亞之東部屬于英，帝問島東部屬于荷，與荷蘭共而有之。此東印度今日疆域之大略也。茲將東印度各島面積列後：

爪哇及馬都拉

五一、〇三四、六平方哩

蘇門答臘

一八二、八六七、一平方哩

荷屬婆羅洲

二〇八、二九四、五平方哩

西里伯斯

七二、九八九、五平方哩

荷屬新幾內亞

一五三、三六七、一平方哩

東印度之土壤。大部爲花崗岩及頁岩組成。第三世紀時，此種土壤，即爲火山噴發之灰質及石塊所淹沒。其後，年復一年，而昔日火山噴出之岩石，如輝綠岩、飛白岩，即組成今日羣島表土之大部分，而安鑿岩及玄武岩所生成之土壤，約佔百分之七十五以上。是以東印度之地形，絕罕崎嶇岩石表露之現象，故土壤甚肥沃。攷東印度爲火山線經過之區，故其地多活火山。自一六〇〇年來死火山有四十餘座，活火山有六十餘座。而其地震區域，近三十年來，輕微者有六十餘處，強烈者有百餘處。火山線之分布狀況，可分爲二脈：一由印度南下，經緬甸及蘇門答臘西海岸全部，越爪哇小巽他羣島而至萬達羣島；一由台灣入菲律賓，經西里伯斯之北部而達摩洛加羣島。其中尤以爪哇爲最劇烈，實爲世界少有之危險地帶。活火山噴火之口，幸每座常有火口三數處，故可減輕其爆發力。否則力量集中一處，當更猛烈。方吾人經過活火山區域時，數里外即嗅覺強烈之硫磺氣味。而山流經過之地，石多變爲枯紅色，水則爲濃黑液。若達其山麓時，山水積處，如投以雞卵，不數分鐘而卵已熟。熱度之高，可以想見。火山噴發時，多爲灰質小石塊，而非明火噴出之灰質，常高至數千百呎。因此火山噴出之熱泥河流，有如海鳥糞焉。遂將東印度之土壤變爲肥沃，而極適宜于植物之滋生。東印度今日農業生產特盛且成爲世界上最肥沃之土地者，實乃火山線經過之功。惟其大爆發時，周圍數十里之居民，每多受其害。一六四六年于鄰低附近

之火山爆發時，島上居民村落毀滅泰半，火灰滿布空中，天爲之蔽。一七七二年爪哇把板打洋火山爆發時，附近之四十餘村落，皆隨火灰而消滅。一八一五年松巴窪島上之火山爆發時，周圍三百里之海上，火灰俱已波及，傷亡之衆，達七萬人，海水淹沒至十八呎之深，其爲害可謂大矣。一八八三年西爪哇格拉加多島上火山大爆發，海水已湧至爪哇島，傷亡數千人，餘威至今猶令人戰慄也。

第二項 良好氣候

(一) 雨量

氣候爲自然環境中最基本之項目，雨量又爲氣候中最重要之要素。雨量之多寡，可以轉移農業生產之盛衰。雨量豐則植物之滋生必繁，反是則弱。東印度地居熱帶雨林帶，故雨量豐沛，每歲恒在三千耗以上。氣候炎熱多雨，故農作物生長甚易。如西爪哇之茂勿及蘇島西部之把東一帶，且超過四千耗。即其他各地雨量較少者，亦恒在二千耗左右。較之澳洲中部，非洲之撒哈拉、亞洲之阿拉伯、伊朗、阿富汗、我國之新疆、蒙古，以及南美南非北美之西部等，雨澤稀少作物不易生長之區，則東印度誠可謂得天獨厚矣。大約在海岸平原多爲二千耗，在山地則爲三千耗。最少雨量之區爲西里伯斯島西北之把汝地方，年爲五百三十耗。最多雨量之區爲爪哇之多薄，年爲六千耗以上。凡被潮濕之季風吹過之山地，其雨量均甚大。如爪哇之莫里亞及芝里棉兩山，正月間即已達一

千耗。然有時一晝夜即有三四百耗。雨量之豐，於此可見。又在雨季期中，向風方向之山地雨量大，而背風方向之雨量小。爪哇之怡井山即可以證明。正月間東季風由東南吹來時，此月內南麓即有雨量四百一十八耗，而北麓僅有雨量一耗。至于降雨之日數，一年中有達二百三十一日者，如前述之多。薄是。可謂幾無日不雨矣。然最低之日數爲松巴島之哇呀布，平均僅五十六日。若通常各地降雨之日數，多在百餘日。在二百餘日者僅有爪哇之多。薄、瑪拉巴、文羅梭博、蘇島之實武呀及安汶島等地。熱帶雨量雖多，以暴風雨之故，時降時停。陣雨一來，勢甚猛烈，但瞬即消失。雨時多在午後，百試不爽。上午三時至十時，則難遇雨。雨季氣候甚熱。若氣候酷熱時，即可卜知雨之將至。雨季與旱季常以季風爲轉移。大致在赤道上方者，五月中旬至九月中旬爲雨季，十月至四月爲旱季。在赤道下方者，四月至九月爲旱季，十一月至二月爲雨季。

(二) 溫 度

東印度爲熱帶氣候，氣溫甚高，土地濕，日光甚烈，極適宜于植物之生長。此所以羣島阡陌縱橫，森林茂密，高幹硬木，蔭蔽天日也。然以海洋風之調劑，氣候溫和，實有出人意料者。若非身臨其境，當難使人置信。其氣候終年如一，無四時之分，亦無酷暑酷暑之病。溫度平均爲攝氏二十六度，合華氏七十九度，頗適宜于居住。故居民多著單衣，無棉皮之煩。所謂冰天雪地者，僅于畫圖中見之。境內各地溫度亦微有不同，大抵在攝氏二十度至二十

六度間。以地勢言，濱海之區較熱，山地較涼。每高一百公尺之地，即降低攝氏十分之六度。此在東印度幾成爲定例。如吧城、泗水、爲濱海區域，其地較熱。而萬隆、瑪瓏，則爲山區之地，故其他較涼。以季候言，雨季較熱，旱季較涼。白晝較熱，夜晚較涼。中爪哇之峇突地方，吾人夜間必須蓋上厚毛氈。而當地人民或生火以取暖者。蓋山區氣候寒冷之故也。

第二節 民族

第一項 印度尼西亞人

(一) 土人二字稱呼之不當

東印度民族以現勢而言，可分爲印度尼西亞人及外僑兩大類。所謂印度尼西亞人者，即東印度當地之人民。吾人常見中外書籍均以土人稱之，而不稱之爲印度尼西亞人。此種含輕視心理之稱呼，在有知識之印度尼西亞人視之，必認爲莫大之侮辱。反之，若世人稱英國人不曰英人，而曰英格蘭之土人，蘇格蘭之土人，或荷蘭人不曰荷人，而曰尼德蘭之土人，則英荷兩國人民見之，將作何感想？其必咆哮大怒也無疑。吾人爲矯正此惡習起見，宜因其原名以印度尼西亞人稱之。

(二) 民族類別

以印度尼西亞人而言，雖有六十餘種之多，大別之亦可分爲馬來族與巴布安族兩大類。大抵在羣島西部者，如蘇島、爪哇、婆羅洲、西里伯斯、小巽他羣島，屬于馬來族。其人膚色爲淡棕色，或帶橄欖色。髮直而色黑，或稍成波狀而捲曲。頭小，顴骨突出。額頗圓。眉低，睛黑而稍斜。口大，唇厚，臉寬，鼻扁平，嘴無髭。身材矮小，甚強壯。而毛不多。體高頗一律。胸部發達。脚短小而薄。手小，頗纖弱。性情溫和。感情內藏。態度冷靜。不善于表情。羞恥心重。性甚猜忌。在羣島東部者，如新幾內亞及其附近島嶼，屬于巴布安族。其人膚色爲深棕色，或帶黑色。髮乾燥粗糙，捲曲而成小簇如綿羊尾。頭長，額扁平。眉根突出。鼻高大。唇厚而突出。面部有髭如髮之捲曲。身材高大。體格強健。四肢及胸部皆有毛。腿長而細。手足皆較馬來人爲大。性情凶暴。雖對于子女，亦凶戾而殘忍。感情顯露。態度熱烈。常歡呼而大笑。馬來族來自亞洲大陸，而巴布安族則爲島上之土著。馬來族分支甚多：一爲爪哇族，約三千萬人。居中爪哇。性情和善。行動有秩序。精于手工藝，多務農。二爲巽達族，約一千萬人。居西爪哇。性情活潑。身體強壯。婦女貌甚美麗。多務農爲生，亦有從事于政治工作者。三馬都拉族，約六百萬人。居東爪哇及馬都拉島。性情粗暴，惟甚勤儉。不善經營工商業，多以漁業爲生。此三族人佔印度尼西亞人中之最多數。四爲峴南加保族，約三百萬人。居蘇島西海岸。性情驕傲。文化甚高。商業在該地可與華僑相抗衡。畜牧業亦甚發達。故經濟甚充裕，爲其他馬來族中